



Duzvaiz Ranz Gou

我家的牛

贵港市覃塘区蒙公乡凌寺小学 覃奕

Ranz gou ciengx miz duz vaiz he. Duzvaiz ranz gou aenndang sangngaungau, lumj duzciengh ityiengh hungsang, sei q ga maenghmbwt, aendungx baez gwn imq le, couh lumj aen-gyong nei, gij sing heuh de youq gig gyaec cungj dingq ndaej nyi, song diuz gaeu youh hung youh raez. Dingq daxgoeng gangj duzvaiz neix gaenq ndaej roek bi lo.

Duzvaiz ranz gou, yienz-naeuz gig hungsang, hoeng de mbouj gyaec caeuq gij vaiz wnq doxdaemj. Miz baez ndeu, gou caeuq daxgoeng naengh youq gwnz civaiz bae ndoi guh hong, youq buenq loh bungz daengz duzvaiz ak ndeu daj gizgyae cunghuhu gvaqdaej, duzvaiz ranz gou sikhaek rag ci bienq gvaq giz wnq bae, mboujne, gou

caeuq daxgoeng haengjdingh deng doek roengz ci lo.

Gou ceiq gyaec duzvaiz couh dwg de lumjbaenz dingq rox gij vah bouxvunz nei! Geiq ndaej sujgyaj miz ngoenz ndeu, mbwn gig hwngq, gyoengqdou bae sou haeuxyangz, cang le ci haeuxyangz rim he. Ngoenz haenx cingqngamj daxboh mbouj youq ranz, daxmeh couh heuh gou caeuq de dawz aen ecki cang ndei bae. Duzvaiz lumjbaenz dingq rox vah dou nei, sawqmwh ngaem gyaec dawz song gaiq gaeu con haeu ndaw ecki bae, gyoengqdou di rengz cungj mbouj yungh, rag dawz diuz cag riengz civaiz byaij ma ranz lo. Daxmeh mbouj dingz haenh naeuz: "Duz vaiz neix caen dwg duz bangfwngz ndei he ha, gvaqlaeng yaek ciengx de biz-

bwdbwd bae, hawj de vih ranz raeuz guh lai di hong."

Gangj daengz duzvaiz ranz gou, lij miz gienh saeh ndeu, engq hawj gou gamjdaengz gig ak. Miz ngoenz ndeu, ranz gou mbouj miz saek boux vunz youq ranz, duzvaiz lamh youq gyanghough. Dou dauqma dingq daxbuz ranznden gangj: "Dax-baenh miz boux vunzseng ndeu daeuj gej cagvaiz, aiq dwg siengj caeg vaiz, byawz rox duzvaiz ranz gou cix daemj boux caeg neix, bouxcaeg deng hwk dwk buet-deuz lo." Dou baez yawj, caen dahraix lo, diuzcag deng fagmid gvej goenq lo, duzvaiz hix miz di sieng lo.

Gou gyaec duzvaiz ranz gou, aenvih de dwg baengz-youx gou.

(指导老师:陆冬群)

Hag Cawj Byaek

学煮菜

贵港市覃塘区蒙公乡凌寺小学三(2)班 覃玉蓉

Miz ngoenz ndeu, lauxsae cam gyoengq doengzhag cungj hag rox le gijmaz. Daihgya siengj hix mbouj siengj couh dap naeuz: Rox veh veh, rox youzraemx, rox cawj haeux cawj byaek, rox guh hongnaz hongreih..... Gou dingqnyl doengzhag rox guh haujai saeh, shwgeij yiengh ndeu hix mbouj rox guh, ndawsim gig siengsim. Lauxsae cam gou vih gijmaz siengsim. Gou naeuz: "Gou mbouj rox guh saek yiengh saeh." Lauxsae dingq le riunyumj naeuz: "Mbouj youq-gaenj, mwngz ma ranz hag cawj byaek, yawjyawj daxmeh baenz-lawz cawj mwngz couh hag baenzlawz cawj?"

Cuengqhag ma daengz ranz,

daxmeh ngamq swiq byaek, gou dawz daehsaw baez gveng, ndwn youq henz yawj daxmeh cawj-byaek. Cijraen daxmeh dawz byaek swiq seuq le, aeu cax daeuj ronq, caj rek hoengzndat dawz youz, byaek, gyu itheij cuengq roengz rek bae, yienz-haeuh yungh canjbyaek fan bae canj dauq. Mbouj geij nanz byaek cawj ndei lo. Gou gaem dawh daeuj cimz, feih dangqmaz.

Ngoenz daihngaih, cuengq-hag le, gou vaiqviet ma ranz. Aenvih gyanghaet daxmeh doiq gou gangj: "Gou mbouj youq ranz, mwngz shwgeij cawj byaek ba." Gou hag daxmeh yiengh-haenx guh; Sien aeu byaek daeuj swiq, yienzhaeuh aeu cax daeuj



ronq, hoeng ronq ndaej miz di raez miz di dinj, caj rek hoengz le, dawz youz, byaek, gyu cungj cuengq roengz rek bae, gaem canjbyaek fan bae fan dauq. Gvaq le geij faen cung, byaek cawj cug lo. Gou baez cimz, ai, gyu dwk lai lo.

Yienznaeuz gou baez daih-it cawj byaek mbouj ndei gwn, hoeng ngoenzlaeng ginggvaq gou roengzrengz bae guh, itdingh ndaej hawj bohmeuh gwnz daengz gij byaek feih gou cawj haenx.

(指导老师:杨金梅)

Lwgda Yenz lauxsae hix nyinh lo, de gungj hwet dawz aen cuzgiuz henz din de hwnj, byaij daengz henz ndang Dangz Dahaij, aeu cuzgiuz menhmenh cuengq daengz ndaw fwngz Dangz Dahaij bae.

Loq dingh yaep ndeu, Yenz lauxsae laebdaeb cujiz gyoengq doengzhag daujlun cozvwnz: "Lajneix cingj daihgya bingzbingz yawj, vih gijmaz cozvwnz Liuz Yenz ndaej gangjfug daihgya, hoeng cozvwnz Dangz Dahaij cix mbouj ndaej gangjfug daihgya ne?"

Lij Cing boux daih'it ndwn hwnjdaej naeuz: "Cozvwnz Liuz Yenz ndaej gangjfug daihgya, cujyau dwg

sij cozvwnz cingzgingi

Ndaw Godangz Gegnaeuz

课堂上的倾诉

cozvwnz de miz gienh saeh gidij he, raeuz daj gienh saeh neix roxdaengz gij binjdwz ndei Lij lauxsae."

Daegcoengh bouj naeuz: "Cozvwnz Dangz Dahaij saetbaih couh dwg mbouj sawj vunz gamjdoengh, de cij daihgaic gangj gij youhdenj Yenz lauxsae, mbouj cimdoiq moux diemj youhdenj sij gidij."

"Ndaw cozvwnz mbouj yungh sij ok gak fuengmienh youhdenj boux vunz yaek sij haenx, wnggai gaemdawz gij binjdwz youqgaenj de, doenggvaq gienh saeh gidij he daeuj fanjyingj, gij cozvwnz yienghneix cij gamjdoengh vunz." Yenz lauxsae yienghneix cungjgez.

"Gou rox wnggai baenzlawz sij

Doengzhag Gou

我的同学

贵港市覃塘区蒙公乡凌寺小学六年级 邓巧

Mwngz yawj, youq rog bakdou byaij daeuj boux lwgsai ndeu, doiq da de youh hung youh ndaem, giuzndaeng sohswdswd, bak hung raixcaix. Ceiq yinx vunz haeujsim haenx dwg aen'gyaeu hung de, lumj aen-giuz hung nei, ndaw uk de cungj cang rim cihsiz. De ha, couh dwg doengzhag gou — Couh Cwng, vunz heuh "siujbozsw".

Couh Cwng gig gaenx hagsib, baez miz seizgan couh yawj saw, doeg saw lai hawj de ndaejdaengz hoizbauq, cozvwnz de sij ndaej gig ndei, hagsib cingzcih hix ndei dangqmaz, miz seiz lienx gou boux banhcangj gig okmingz neix hix fug saw lo. De daegbied gyaec gij saw mizgven daswyenz haenx, ndigah doiq doenghduz doenghgo fueng-mienh neiyungz neix gig sug.

Miz baez he, duzmoed raih hwnj gwnz daiz gou daeuj, gou dinghdingh yawj de. De siujsim sisi dwk raih, gvaq yaep he, de raih daengz gwnz fwngz gou, loengh ndaej fwngz gou humznywdnywd. Gou baez fid fwngz, duzmoed deng fid daengz gwnz dieg bae lo. Gou maeuq roengzbae yawj, moed iq cak le yaep he, boeg ndang gvaqdaej, youh raih baefidfid. Gou yienghlawz hix siengj mbouj doeng: Duzmoed iqetet ndeu, daj "bangxdat" sangngaungau doek roengz-daeuj, gingqyienx mbouj dai, nanzdauh de miz fapswd "dai le dauq lix"? Gou daiq aen ngeizvaeg neix bae cam Couh Cwng. De dingq le, riuhaha, miz diuz miz leix dwk lwnh gou: "Ndangdaej duzmoed gig mbaeu, mboujlwnh daj gij dieg geijlai sang doek roengzdaej, cungj mbouj dai, couh lumj mbawfaex daj gwnz gofaex mbin roengz-daeuj cix mbouj vaih saekdi ityiengh....." Couh Cwng vanzlij caeuq gou gangj le haujai cihsiz mizgven duzmoed, gou dingq ndaej gig haeujmaez, gou boiqfug de raixcaix.

Dingq gou gaisau le, mwngz dwg mbouj dwg hix gyaec hwnj boux doengzhag gou gaenx hagsib neix ne?

(指导老师:庾书扬)



lo." Dangz Dahaij aeng dwk raemxda naeuz, "duenh vah gou haxbaenh gangj haenx, sij okdaej couh dwg bien cozvwnz gamjdoengh vunz he."

(sat)